

Risæbergh. Anno. domini. M^o. CCC^o. X^o. sabbato proximo. ante festum beate Margarete.

På fränsidan: littera de Moa.

. Ett litet och skadadt sigill finnes i behåll; Hertigarnes synas icke hafva blifvit ditsatta.

1690.

1310 d. 20 Juli.

Helsingborg.

Hertigarne ERIK och WALDEMARS skrifvelse om deras med brodren, Konung Birger, ingångna förlikning om Rikets delning och förvaltning m. m.

L. d. II: 1, 89.

ERICUS et VALDEMARUS Duces Sueorum, omnibus præsentibus litteras inspecturis salutem in Domino sempiternam. Noverint universi, quod anno Domini M CCC. X. XIII. kalend. Augusti apud Helsingborgh, inter magnificum Principem, Dominum Birgerum Regem Sueciæ, fratrem nostrum, et Nos, super discordiis hactenus motis et habitis, exstitit taliter placitatum. Inprimis quod Ipse habere debeat cum omni jure et dominio, sine diminutione qualibet, terras infrascriptas, scilicet Helsingiam, Fiedrundiam, tres provincias in Vestmannia, quas prius habuit, totam dioecesin Strengenensem et castrum Nycopiæ, terram Ostgothiæ et castrum Stekeborg, terram Vidbo, insulam Visinxö, Grenna, Wijsth et Tuetha, terram Nydiunge, terram Finwidiæ, terram Verendiæ, et terram Gothlandiæ cum Visby et castrum in Wiborg, ita, quod nobis expensas plenarie refundat, si quas pro usibus ipsius castri constare poterit nos fecisse. Item omnia bona sua patrimonialia et acquisita, nec non et partem in monte cupri, quæ ipsum hæreditario jure contingit; his, quæ sequuntur, exceptis curiis, videlicet Simunxö, insula Mörkö, insulis concessis Henrico Borgravio de Strömberg, curiis Harg et Sponga, et molendinis, quæ a nobis idem titulo permutationis habuit, in quarum recompensationem restituit ipse curiam Ekeby. Item bonis Dominæ Hadhvix, et suis hæredibus dimissis per nostras patentes litteras, et bonis pertinentibus ad Dominum Tyrgillum quondam Marscalcum, curiis Faaldanes, colonis in duabus curiis in Suennum etc. Item medietatem reddituum provenientium de villa Visby et terra Gothlandiæ ad tempus præsentis placitationis. Aliis vero terris, castris et redditibus regni Sueciæ nostris usibus remanentibus; ita quod ratione terrarum, castrorum et reddituum, eidem fratri nostro homagio Nos pari manu et conamine, et in solidum nos astringimus. Et si alterum nostrum mori contingat, tunc terræ, castra et redditus prædicti ad superstitem integraliter revolvantur. Item placitatum est, quod idem frater noster in terris suo dominio dimissis, nulla castra de novo construat, nec nos in terris nostris versa vice. Quodque omnes regni Sueciæ incolæ, in cujuscunque dominio fuerint, gaudebunt suis libertatibus

et juribus, quibus gaudebant ab antiquo, eo salvo, quod ex causa rationali subsidium peti posset et suscipi de subditorum beneplacito et assensu. Præterea in terris nostris Dominus Rex frater noster nihil præcipere, vel mandare sive judicare debet, nisi de suis hominibus, et his quæ superius nominatim sunt expressa. Nec debet castrum sive munitiones, vel terras aliquibus in perpetuum, vel ad tempus vendere, impignorare, extra manum suam ponere, vel alienare quoquo modo. Quæ omnia ipsi fratri nostro facere volumus et servare. Item omnes Milites et Armigeri utriusque nostrum libertates et jura habeant, quibus usi fuerunt ab antiquo. Item omnia remissa. Item omnes diligendi. Captivi omnes dimissi liberi. Est etiam placitatum, quod Magnifici Principes et Domini, Ericus Daciæ, et Birgerus Sueciæ, Dei gratia Reges, Christoferus Dux, Gerardus Comes Holsatiæ, Henricus Magnipolensis, et Nos mutuo nos juvabimus contra quemcunque hominem nunc viventem, consiliis et auxiliis opportunis. Castrum vero Norcopia inchoatum debet penitus demoliri. Datum et actum die et loco præmissis.

1691.

1310 d. 22 Juli.

Kyrkoherdarne NICOLAI i Sollentuna och NICOLAI i Skepptuna svar till Årkebiskop Nils i Upsala, angående fullgörandet af den erhållna befallningen, att i kyrkorna förklara Årkedjeken Olof bannlyst.

A. 2.

Venerabili in christo patri ac domino suo domino Nicolao dei gracia Archiepiscopo vpsalensi. NICOLAUS de solandatumum et NICOLAUS de skieptunum ecclesiarum rectores. debite subiectionis et obediencie promptitudinem cum reuerencia et seruiicio deuoto. Recepimus dudum paternitatis vestre litteras in hec verba. NICOLAUS diuina &c. *Se föreg. N:o 1680.* Volentes igitur paternitatis vestre mandata in omnibus secundum dictum exsequi reuerenter et efficaciter vt tenemur, accessimus personaliter ad singulas ecclesias vpsalie, bæling et stocholmis, et litteras vestras predictas in ipsis hora congrua presentibus plurimis clericis et laicis publice legimus et exposuimus in uulgari, ac dominum Olauum archidiaconum vpsalensem predictum excommunicatum publice nunciauimus secundum ipsarum continenciam litterarum, hoc eciam in nostris ecclesijs similiter facientes. In Cuius Rei testimonium sigilla nostra presentibus sunt appensa. Scriptum die beate Marie Magdalene.

På fransidan: littera de, domino Olauo archidyacono, vpsalensi; *med annan hand:* quod excommunicabatur ad mandatum archiepiscopi.

Sigillen skadade, på tvenne ur brefvet klippta remsor.

1692.